

1 TESALONAIKA

Iiya Pol siya om Korin hir nwowin mi siya ta yokwowa ha winkikin iikamim naingwo tibmiiyim om Tesalonaika hiranim simiiramin. Biiyan siya ti om iilir niki okin mi iiya Timoti siya hiriir nimbiyamin mi siya kimidiniya Pol siir ini boiniu, Juda iikamim yipiki Jisis siiram naingwo tibmii karamae nwowiyim iikamim naingwo tibmiiyim simiirin hik sima hauuwi. Mi ta hiriinan saiirsika Pol siya ta yokwowa saiir asi winkikin minsika iikamim naingwo tibmiiyim wi saeya nwoki whinkinsiis haiginiuwim mi simiir naingwo tibmiiya Jisis siiram naingwo tibmiiya wi hiriiyar nwoki onkworinukripkaiyim mi wi siyar nwoki itbugiyim. Siya iiya Jisis siya nitana saiir yaiyim kasakasa bi winkin. Iriig.

1 ¹Pol, Sailas mi Timoti, krima ta yaiya yokwoni win hauugika iikamim Adi Komii krimiir Wanin siir piugananim om Tesalonaika hiranim kimiirim. Kima Adi Komii mi Biiyan Inkam Komii, Jisis Kraiis sowiirgisowiirniigim. Mi krima ha naingwowi Adi Komii mi Jisis Kraiis siya, sowa naingwobumbu mi iripa nongwomamair aei kwoinin wi kimiir nwoki hauugiyim.

**Mi Tesalonaika simiir naingwo tibmiiya kirieka
mi saeya ini wadieyar sibgu owa.**

²Mi krima iinokiinokin Adi Komii siirim kwisboiniyim, krima siirin ha boin wadieikim. Dimusi rani, iikam kimiirsika. ³Mi iinokiinokin krima siir boinmauuwi dimin miyik miyikim kima tiriyim simiir. Dimusi rani, kima siir yai imiir wakaeyoknaei mi kima siiram naingwokwonanae mi kima dimin kirie kirie imiirar tiri mi kima donkworinukripkai mi kima kirie hiriiyar dwokripkai Biiyan Inkam Komiiyin Jisis Kraiis siiram. ⁴Mi kima ti nomiiyauim yipiki Adi Komii siirim naingwokwonanaeyim mi krima ina ninokninkinim siya bidi yimbingiyin kimiirin siir iikam nwowam. ⁵Dimusi rani, iiya krima ta Yai Win Kibiya kimiir boinmimauuwa saiirsika, yim niksisaeyai nninga rani mi kimiir kwoinin Adi Komii siir yai ima mi siir naeyiu ieya wi sowar kinkrip hai. Mi Adi Komii siir naeyiuin kimiir kwoinin wi siyar kisina haigi mi krima ina ninokninkinim siir yai imiirin mi ti yaiyim simakisimaigim kaimwowim. Kima bidiyar yinokninkinim diminim

biya krma tirim kimiir whinkinsiis haiginiuwam. ⁶Mi kima Adi Komii siir yai imiir bidi wakaewinim mi iikamim sima kimiir bidiyar tirbumbuim mi kima maingimaiga bi nwokim. Niingaka. Dimusi rani, Adi Komii siir naeyiun siyar whinkinsiis haiginiugim kimiirin maingimaiga hiriirar nwokriakaiyim. Mi kima ti diminim simiirar tirinae, ti diminim krma mi Biyan Inkam Komii Jisis Krai krma tirim simiir hiriinan. ⁷Mi ti hiriinan siyiun, kima yipiki iikamim Adi Komii siir yai wakaeyokna apiyim nu haimii Masedonia mi nu haimii Akaia hiranim simiir bidi yiisiimauuwim mi kima simiirin dimin miyik miyik imiirar niisiimauugim sima kigna apamin. ⁸Mi ti yayim Adi Komii siya boinmawuwim kimiir, yim kima bidi yanaakninkiiyim mi ta yaiya inkamin ii hainiyein mi siir yainana ha namkiya hinda tinda mi ini saiir hiriinan yamiyokiyokiigiya. Mi ta yaiya saeya nu haimii Masedonia mi nu haimii Akaia hiriirara biri namka. Niingaka. Mi ta yaiya ina yiniyokiigiya hinda tinda mi iikam sima ina wakaekiyim kima Adi Komii siir yai imiirin ina wakaeyokna apim mi ta hiriinan sairsika, krma wi saiir swoki boin tani simiirin. ⁹Mi iikamim hinda tindanim sima dimin taeminim biya nimbiamim iya krma kimaka waraur nwowa sima simiir whrie boini. Mi kima uruwai siyaowaiyim digiumii bidi haimriiyugigim. Mi Adi Komii kiingikiinin siirar wakaeyokna apkim. Mi uruwai siyaowaiyim yim omwai bi waiyaekim, yim ini niingar ywowim. Adi Komii sasairgin omwai waiyayokiyokiiyin. ¹⁰Sima ha boinkim, kima siir yinisim iirim dwokwokin siya Adi Komii siir om hir haiburgigi Jisisin, yipiki biya niki aowin, siirin Adi Komii siya kininsiin idwokin mi krimiirin siyar whinkinsiis haiginiu mi siyar mi anmaiwarkaina Adi Komii siya tioidwomaiana sairsi. Dimusi rani, iikamim, sima dimin biye tirkim. Iriig.

Pol siya miriia mii om Tesalonaika hir saeya

2 ¹Kima ti nomiiyauim, kima ina ninokninkinim biya krma nita kimiir nini kignakiyim mi yai kimiir nini boinmimauugigim mi ta krma niki apririr kignakiya kimiir saeya op bi kimaiga. Niingaka. ²Mi kima ina ninokninkinim iya biya krma om Filipai hir nwowa sima krimiirar diriraerarbumbukim mi krimiirin Adi Komii siya whinkinsiis haiginiugim mi krma hikim sima hauuwim simiirsi biri nididgim mi siir Yai Win Kibiya krma kimiirar boinmimauugigim. ³Ti yayim krma kimiir boinmimauugigim krma kimiir niksisae rani. Yayim krma boiniyim krma siyiu biyekak bi nwowikim. Niingaka. Krma kimiirin yaimwowerar boinikim krma kimiir bi niksisaeikim kimiir digworaekwo imiir niksisae haiyim. Niingaka. ⁴Biya Adi Komii krimiir Wanin siya bidiyar kinankiugiyin krimiir kwoinin mi siya ini wadieyar ywokiyein krimiirin siir yai imiir boinmimauuwim. Adi Komii siya ina

ninokninkinim ti dimin taeminim krma boinmimauuwiyim krma minam naingwowi Adi Komii siirarar maigimaigra haiginiuim, krma inkamni maigimaigra haiginiuim pi boriisopi. ⁵Kima ina ninokninkinim iinokiinokin biya krma kimiir boinmimauuim krma kimiiram bi hiirgim. Adi Komii siya ina ninokninkinin krma kimiiram bi hiirgim mi ta hiriinan saiirsika krma kimiir umir digworaekwo min swoki iksisae hai rani. Niingaka. Adi Komii siya ina ninokninkinin krma yaimwoarar boini. ⁶Ta krma miriia krma inig komii haiyim pi boriisopi kimiir bopwoniya waraurin mi iikam nhir ikim. Niingaka. Nim krma aposel kamim yipiki Krai siya nikropkiyim sima mi ta hiriinan saiirsika nim krma wi digar nwowi Adi Komii siir whwonkam idan kimiiram sriiyim krimiir inig imiir hainanim mi krma pi boriisopi. ⁷Mi biya iia krma kimaka waraur nwowa krma kimiirar sibgu kigriraokim yopiigi sae kigriraowiya saiir yinim simiir saiir hiriinan. Mi krma kimiiramin dimin whiram bi sriigim. ⁸Krma kimiiramar naingwokim mi krma Adi Komii siir Yai Win Kibiya saiirara bi hauugikim. Dimusi rani, krma kimiiramar naingwokwonanaekim mi krma kimiir asi whindiriraerargigim. ⁹Kima iikam whiekakim ina ninokninkinim krma kimiirin Adi Komii siir Yai Win Kibi aiirar boinmauugim mi krma umiramini nabie miriigim mi ta hiriinan saiirsika, krma naemin diminim kimiir warauranki paniinsi haisi.

¹⁰Kima mi Adi Komii siya kima ina ninokninkinim diminim krma tiriyim kimiir iikamim yipiki Adi Komii siir yai aiirim naingwo tibmiyyim. Krma diminim big nasmirwaiya Adi Komii siya nwowanim simiirar tirkim mi krma dimin miyikim dimin whirki kimbu karamae nwowiyim simiirarar tirikim, krma siyiuim dimin whirki kimbu karam nwowiyim simiirarar tirikim dimin biyie wara bi tirikim. ¹¹Krma ini adin siir yinisimim simiir boinmimauuwiyim ini siir hiriinan ywowim mi kimiirin krma nokwao boinkim mi kimiirin maigimaigra krma nwowaiginiugikim mi krma kimiiram sriininaekim ¹²kima iinokiinokin Adi Komii siir sibgu wakaeyokna ap siya kimiiram nikiunanaeikin mi kima mi siya kima wi iripa nidwowi mi kimiirin wi siyar kigriraowi mi siir dimin taemin miyik miyikim kima wi simiirar ninan haiswowi. Iriig.

¹³Iinokiinokin krma Adi Komii siirar boin wadie nanaekim ti dimin taemin imiirsiyin. Biya krma kimiirin Adi Komii siir yai imiir boinmimauugim mi kima simiirin ina wakaeyokna apim sima inkamni yai rani. Niingaka. Ti yayim kima wakaeyokna apim kima Adi Komii siir yai imiirar wakaeyokna apkim, ti yayim sima diminar tirikim kimiir kwoinauin, iikamim yipiki siir yai imiir wakaeyokna apim. ¹⁴Kima ti iikamim Adi Komii siir piugananim nu Judianim yipiki naingwo tibmiyyim Krai siir wakaeyokna apim simiir kigna miriyan iikamnan

bidi ywowim. Ti nomiiyauim, ti iikamim ti om Tesalonaika tiranim kimiigikimiirar nomiiyauim kimiirin siyiu biyie simar tirkim yipiki Adi Komii siir yai imiir wakaeyokna apim mi iriipa hiriinan sima ti Judan iikamim sima siyiu biyie bidi mi tirim iikamim yipiki Adi Komii siir yai imiir wakaeyokna apim waraur nwowim. ¹⁵Biiya Juda iikamim sima nisomsomaokaokim profet kamim yipiki biiya Adi Komii siir yai imiir nanaakninkii haiginiuim mi mhoyia simiir yiinieyim sima yisomao krimiir Biiyan Inkam Komiiyin Jisis siir mi tariinanin sima ini siyiu biyie krimiirar swoki tirim mi ti siyiu hiriinanin sima tirin mi Adi Komii siir kwoinin ini haugihauga whiyekiyin. ¹⁶Mi sima dimin bibiyie iki iikam nhirim simiirar tirkim. Dimusi rani, sima krimiir siyiu iir ninkripiigim iikamim Juda iikam tani krime yai simiir boinmimauusi. Mi hiriinanki niuwi sima digiumii ti dimin biyie iir haimriiyugig mi Adi Komii siya wi simiir nwoki anmaiwarakainam. Ti iikam bibiyeyim dimin bibiyie imiirar tiriyokiyokiiyim mi taka iya Adi Komii siya hik ti simiir dimin bibiyeyim simiirsi hauuwana saeya bidi yimbiniya. Iriig.

Pol siya simiir swoki kigam naingwokin

¹⁷Mi ti iikamim krimiirin sima nikropkikim mi krime ina yamim mi iiyim hoimgak rani, krime kimiir haiburgigim mi krimiir kwoinin ini kimaka waraurar yinkin okiyim. Mi krime wigkamim wigpiowa kampiowa niinga nwowiyim ini simiir hiriinan ywowim. Mi krime kimiir whwonkam kignakiyamin ina naingwowim mi krime ina niki hidim siyiuwamin krime wi paniina niti kimiir kignakiyamin. ¹⁸Kara Polkin mi kara iinokiinokin ina kinankiuin kimiir kignakiyamin mi krimiir siyiuin ini Setan siya yinkripiiyin. ¹⁹Mi Mhoyia iya Jisis siya swoki iti mi krimiir hainami mi krime wi saika nwowi mi wi omwaiya waiyayokiyokiigiyami. Mi mhoyia iikamim sima wa ha dimusi boini krime wadieyairgim? Mi mhoyia krime wi maigimaigra dimusi nwowi? Mi Mhoyia krime wi krimar dimusi hainanaei? Krime wa hainanae, krimiir inig iirarin. Dimusi rani, iikamim kimiirsika. ²⁰Kime iikamim yipiki krimiir yai imiir wakaeyim mi Adi Komii siir kigna apim, wim kime maigimaigra krimiir nwo haiginiuwi. Iriig.

Timoti siya yai kibiya saair hainanikin mi

Pol siya ini maigimaigra ywowin

3 ¹Mi iya krime nwoimararim waraur nitam nwoninaeya, krime hiniina naingwokwoko nikrime wi om Atens tir nwonawidi. ²Mi krime pi krimiir nomiiyauin Timoti siirara nikropki yipikin siya kriraka miriyyin Adi Komii krimiir Wanin siir mi aiirin mi Krai siir Yai Win Kibi aiir nanaakninkii haiginiuwam mi siirin krime nikropki mi siya niti kimiirin wi siya whinkinsiis haiginiuwi mi kimiir kwoinin wi kirie nwoki owim Adi Komii siir yai aiir

wakaeyokna apamin ³mi ta hiriinan saiirsika, kimiir iikam nhirkim bi kiyopsimsibgigim. Dimusi rani, ti hik imiirsika. Mi kima, kima kimarin ina ninokninkinim ti hikim Adi Komii siyar nimbinkin krima haiyamin. ⁴Mi biya iya krima kimaka waraurar niki owa, krima kimiirin hiniina boinmauugim, iikam nhirim wi dimin biyie krimiir tiri. Dimusi rani, krima Adi Komii siir yai aiir wakaeyokna apikim. Mi kima ina ninokninkinim ti hiriinan diminim kimiir nimbini krima biya kimiir bidiya iki boinmauui. ⁵Mi kara ii priei nwowim pi boriisopi mi kara Timoti siirin ta hiriinan saiirsiya nikropkisasauugin kimiir kignakiyim, kima ini Adi Komii siir mii aiirar miriiyim iye? Saiir mirii rani. Kara pi nididi kimiir kwoinim wi Setan siya nipiyaokiisi mi diminim krima tirim, sima wi naekak nwo rani. Iriig.

⁶Timoti siya kimiir haiburgigin mi siya tiriir ha nitin mi ta Yai Win Kibiya siya ina anaakninkii haiginiuni. Kima Adi Komii siir yai imiirar wakaeyokna apkripkai mi kima iikam imiirim warar timi inkin aingwokwonanae mi krimiirimin iriipi hiriinan warar timi inkin aingwokwonanae krimiir kignakiyam, krima naingwowiya kimiir kignakiyim saiir hiriinan. ⁷Mi krima wi maigimaigra nwokripkaii. Dimusi rani, iikam kima ini Adi Komii siir yai imiirar niki wakaeyokna apkripkaiyim. Mi iikamim sima siyu biyie krimiir tiriirim mi krima hikak biri nwowikim. Niingaka. Mi diminim krima wakaeyim kima tirim, yim krimiirin simar whinkinsiis haiginiuwi maigimaigra hiriirar nwokripkaiyim. ⁸Mi kima Adi Komii siir yai imiirin hiriinanar wakaeyokna apkripkai mi ha timi okworinu kripkai mi hiriinankiniuwi, krima wa nongwomamair aei. ⁹Mi krima Adi siirin wi paniina boin wadie mi krima siirin wi ha niisiimauuwi krima maigimaigra kirie komiigakim. Dimusi rani, iikam kimiirsika, ha? Yio ti hiriinanin yio siyu karamaeka. Niingaka. ¹⁰Mi iinokiinokin krima Adi Komii siirama sriinanaeikim krima kimiir kigam mi kimiir naingwo tibmii aiir whinkinsiis haiginiuwam mi kimiir naingwo tibmiiya saeya wi sapisap kipi nwo. Iriig.

¹¹Mi krima hiniina naingwowi krimiir Adi Komiiyin mi krimiir Biian Inkam Komiiyin Jisis, sowa whindiriraerarkiko kimiir kignakiyam. ¹²Mi krima hiniina naingwowi Biian Inkam Komii siyar tirkii kimiir nomiiyauim iki iikam nhirim hinda tinda nwowim simiiramin nhami nhami kipi naingwokwonanae opki mirkimirka sae ninkiniya mi ha bwaembwaekinamiya saiir hiriinan, ta krima naingwokwo nanaeiya kimiiram saiir hiriinan ¹³mi iriipa hiriinan Biian Inkam Komiiyin siya wi kimiir kwoin imiir tiki sima kirie nwoki owim. Mi mhoiia Biian Inkam Komiiyin wi siir iikam imaka niti mi kima Adi Komii siir whwonkam ida wi dimin whirki kimbu rani. Iriig.

**Ti hiriinan siyuin kima Adi Komii siir wakaeyokna
apiyin yio Adi Komii siir maigimaigra haiginiuwi**

4 ¹Biya krima kimiir bidiyar iki boinmauui mi kimiir bidiyar mi isiimauuwim siyuin Adi Komii krimiir Wanin siir wakaeyokna

apanin mi mairgimairga siir nwo haiginiuwim mi krīma ina ninokninkinim mi kima simiir tiri mi krīma kimiirin wi asi sriinanae krimiir Biiyan Inkam Komiiyin Jisis siir yai imiiramin mi kima ti siyiu iirin wi hiri hiriinanar tirnanae. ²Kira bidiyar yinokninkinin yayim biya kiriir boinmimauuwim krīma, Biiyan Inkam Komiiyin Jisis siir inigni. ³Mi dimin taeminim Adi Komii siya naingwowim kira kigna diriraeraram simiirin donkworinukripkai mi kima dimin whirki kimbu karamae hiriir dwokripkai. Mi kima siyiuin hii nanaeyin siirsiyin aru dwo. ⁴Mi kima irira nwinwira sibgu dinokninkin siyiuin kimiir piu aiir kigriraowanin mi rirmiya dwokripkai mi Adi Komii siya ti hiriinan dimin miyikin siir kigi mi siya wi mairgimairga nwowi. ⁵Mi kima hii nanae siyiu biyeyin siiram kipi naingwokwonanae iikamim yipiki Adi Komii siiram naingwo tibmii karamae nwowiyim simiir hiriinan kipi nwo. Niingaka. ⁶Mi kima kimiir nomiiyauim simiirin siyiu bibiyie kipi tirhaiginiu mi simiir kwoin imiir kipi kiyai Niingaka. Dimusi rani, biya krīma kimiirin hiniina boinmauugim, iikamim yipiki ti hiriinan siyiu biyie iir tirim yim wi Biiyan Inkam Komiiyin siya nonkwobumbuninkin haiginiuw. ⁷Mi Adi Komii siya krimiirin siyiu bibiyie tiram bi nikiunakin. Niingaka. Siya krimiirin dimin whirki kimbu karam nwowim nikiunakin. ⁸Mi iikamim yipiki digiumii ti yai imiir haimriiyugigi, yim sima digiumii iikamim ti yai imiir boinmauuwim simiir haimriiyu rani. Niingaka. Yim sima digiumii Adi Komii siirar haimriiyuwi yipiki inkamin naeyiu miyik krimiir hauin.

⁹Mi kara kimiiramin wi winboinki rani, siyiuin nomiiyau nhirmiyam naingwokwonanaeyin siirin. Niingaka. Dimusi rani, kima bidiyar yinokninkinim. Dimusi rani, kara kimiir bidiyar iki boinmauun Adi Komii siya naingwokwonanaeyim kimiir nomiiyau imiiram. ¹⁰Mi kima kimiir nomiiyauim simiiram bidiyar yaingwokwonanaeyim hinda tinda nwowim nu Mesedonia hir mi krīma kimiirin pi hiniina boinkii, kima kimiir nomiiyau imiiram daingwokwonanae. ¹¹Mi kima omwai sibgu waiya yokiyokiyam daingwokwo mi dimin biyie tirim kipi naingwo mi piu minki kipi piyao mi kima kimiir umir mii imiirar sibgu mirii, biya krīma niki boinmauukiya saiir hiriinan. ¹²Mi iriipa hiriinan iikamim yipiki Adi Komii siiram naingwo tibmii karamae nwowim simiir whwonkam ida kimiirin sima wa kignaingwo boini kima iikam miyik miyikim mi kima dimin taeminim wi kima kimar haiyam naingwona rani. Niingaka. Iriig.

Mi Biiyan Inkam Komiiyin siya nitan ii aeya

¹³Mi kara pi boriisopi iikam kima habwaowaenan nwowim kimiir nomiiyauim naokaowim simiiram. Mi kara pi boriisopi kima mairgimairga nwo karam nwowim ti iikamim naokaowim siirsiyin

ti iikamim yipiki Adi Komii siiram naingwo tibmii kiin karamae nwowiyim simiir hiriinan mi siya ti iikamim simiirin wi swoki kininsiin idwo rani, omwai waiyayokiyokiiyamam. Niingaka. ¹⁴Mi krima ina naingwo tibmiiyim Jisis siya bidiyar iki aonamin mi siya kimidiniya ie hiranki swoki insiin idwo, tiriiginim yipikim Adi Komii siir yai aiiram naingwo tibmiiyim mi ha naonamim mi Adi Komii siya wi ti iikam imiir hidninsiin idwowi mi sima wi saika warar swoki inkin iti.

¹⁵Krima kimiirin dimin taeminim yipiki biiya Biiyan Inkam Komiiyin siyakisiyar boinim simiir boinmimauwi. Yim hiniingim, krima ti iikamim yipiki ti omwaiya niki waiyam mi iya Biiyan Inkam Komiiyin siya niti mi iikamim yipiki biiya naokaowim simiir biiyin wi krima nam tani. Niingakiniingaka. ¹⁶Mi Biiyan Inkam Komiiyin siya wi ninomor kou hirankin sasar niuuni mi siya wi yai komiiyar boinki mi Adi Komii siir paekwosimin kirie komiigakin siya wi komiiyar kauwok boinki mi Adi Komii siir kidin wa masboinki mi Krai siir iikamim yipikim biiya naokaowim mi biikibiiyin wi simar ninsiin idwowi. ¹⁷Mi ta saiir mhoiiyarin mi iikamim naingwo tibmiiyim yipikim omwaiya niki waiyam mi yim wi simaka warar ninkin ami mi iikamim sima Biiyan Inkam Komiiyin siir wi kou hir niyiskaiwini. Mi Biiyan Inkam Komiiyin siya krimiirin wi ti hiriinan siyu iirsi nikiunainami mi krima iinokiinokin wi saikar nwoyokiyokiikayami. ¹⁸Mi kima irni nwirni whinkinsiis ankinsiis haiginiu mi maigimaiga ta yai anaka dwo. Iriig.

Krima hiriiyar sibgu okworinu kripkai iya Biiyan Inkam Komiiyin siya swoki itina saiirim

5 ¹Kima ti nomiiyauim, krima iya ti diminin siya nimbiyamana pi yokwoni kimiir winboinmauugi rani. ²Kima iikamim, kima ina sibgu inokninkinim iya Biiyan Inkam Komiiyin siya nitina ya wi inkamin digworaekwo tauaeyim nitiyin niyaka wi siir hiriinan niti mi iikamim wi hindara nanaawini. ³Iya inkam nwirki ha boini krima ini wadieyar sibgu owim mi dimin biye whir karamaeka mi dimin whirin ina yimbiyamin simiirin mi simiir tirbu wiga yipiki yinisim naokainam tiriya mi ha diyuraeyiuwiya saiir hiriinan mi sima wi saiirsi kiyoopki rani. Niingaka. Wiga yinisim naokainani hikim simiir hai karamae bi swoki owika. ⁴Kima ti nomiiyauim, kima yipiki iikamim Adi Komii siir wakaeyokna ap karam nwowiyim simiir hiriinan tani mi iya siya swoki itina ya wi krimiir nanaa haiginiu rani, hiiyan inkamin yipiki digworaekwo tauaeyaiyin siir hiriinan. Niingaka. ⁵Kima iikamim ini Adi Komii siir yinisisim ara ywowim mi siir yai imiirar wakaeyokna ap. Kima Setan siir iikam tani yipiki siir yai aiir wakaeyokna ap karamae nwowim. Niingaka. ⁶Mi ti hiriinan saiirsika, krima iikamim yipiki Adi Komii siir yayiim simiir wakaeyokna ap karamae nwowiyim simiir hiriinan tani. Niingaka. Krima

krimasayar mintaraona mi diminim Adi Komii siya boiniyim simiirar wakaeyokna apiyokiyokii. ⁷Iikamim yipiki Adi Komii siir yai imiir wakaeyokna ap karam nwowiyim, yim ini iikamim nhwo whwonkaowiyim ini simiir hiriinan ywowim mi ini iikamim op kirie kwiyaehaowaeiyim mi dimin taemin ha priidiriraeraramiyim ini simiir hiriinan ywowim. ⁸Krima iikamim yipiki Adi Komii siir yai imiir wakaeyokna apiyim krima kramasayar mintaraona. Krima Adi Komii siir yai imiir wakaeyokna ap mi iikam imiirim daingwokwonanaei. Ti dimin hiriinan kimiiir whinkinsiis haiginiuwiyim, yim nhaowa inkamki hioikwowniya sair hiriinan ywowim. Krima Adi Komiiy in yipikin mhoiia krimiir nikiunakiyanin mi krimiir whindiriraeraranin siiram waikao. Mi ta hiriinan wi saeya whinkinsiis pagra kirieya iia kamim yai niniyim simiir mwo imiir haiginiya sair hiriinan. ⁹Adi Komii siir iowa krimiiram biri nimbinga krimiir nonkwoniinwomwiirnin kinim. Niingakiniingaka. Mi siya ha nimbingin krimiirin, krimiirin wi krimiir Biian Inkam Komiiy in Jisis Krais siir inigni nanmaiwarkanaei. ¹⁰Biia siya krimiir whindiriraeraram naokin mi ta hiriinan sairsika krima yipiki omwai waiyam mi yipiki naowim mi mhoiia krima wi omwai saikar waiyayokiyokii iinokiinokin. ¹¹Kima irni nwirni dinan inkinsiis ankansiis haiginiu mi irni nwirni timi whindiriraerar haiginiu tariinanin kima tira sair hiriinan tir. Iriig.

Nikopkaigiyan yai ima

¹²Krima kimiirin igao yai boinkim, kima iikamim Biian Inkam Komiiy in siya nikmw in kwoim kimiiir bopwoniya waraur nwowim simiir yai imiir wakaeyokna mi simiirin siyu miyik imiirar diisiimauu. Dimusi rani, kimiirin ini simar kigiraowim mi ini simar nowomwarkaiyuim Adi Komii siir dimin taemin imiirin. ¹³Kima ti kam miyik miyikim simiiram daingwo mi simiiramin ha daingwokwonanaei. Dimusi rani, dimin taeminim sima tiriiyim simiirsi. Kima iraka nwirka dongwomamair ae.

¹⁴Ti nomiiyauim, krima ti yaayim kimiirin igao yai minsi boinki mi kima iikamim yipiki nhakiuwiyim simiir boinwakae. Mi iikamim yipiki nididiyim simiir whinkinsiis mi iikamim yipiki maigimaigra nwo karamae nwowiyim simiir kinsiis haiginiu mi kima hiinsima dwo iikam simakan. ¹⁵Kima sibgu mintarao, kima yipiki iikamim siyu biye kimiiir tir haiginiuwiyim, kima simiirin wi yamdi kipi swoki tirbu haiginiu. Niingaka. Mi kima irni nwirniyin mi iikamim hinda tinda nwowim simiirin dimin miyik imiirar tir iinokiinokin.

¹⁶Mi iinokiinokin kima wi maigimaigra dwokripkai. ¹⁷Iinokiinokin kima nhwo Adi Komii siirama kwisboinanae. ¹⁸Kima Adi Komii siir boin wadie ti dimin taemin whiekakim nimbimbiiyamim simiirsi, Adi Komii siya wi maigimaigra kimaka nwowi, kima ti dimin taeminim Krais Jisis siir inigni tiri yipiki kimiiir whinkinsiis haiginiuwiyin.

¹⁹Kima dimin taeminim Adi Komii siir naeyiuin siya tiriyyim simiir kipi kikinokou. ²⁰Kima, kimiir whwomisim amimira kipi nwo mi siyu biye kipi niisimauu ti kamim Adi Komii siir naeyiuin siya boinmimauuin diminim mi ha nanaakninki haiginiuwim. Niingaka. ²¹Kima dimin taeminim iikamim sima boinmimauuwiyim mi sima nanaakninki haiginiuwiyim simiir kinanankiu mi dimin kibi kibiyim simiir sibgu onkworinu. ²²Mi dimin biye imiirsi dapyok.

²³Kara ha naingwowi Adi Komii krimiir Wanin siyairgin mairgimairgani bwamkibwamin mi kimiirin wi siyar whinkinsiis haiginiuwi siir wakaeyokna apim mi ta hiriinana sairsika kimiir kwoinim mi kwoinbudim mi kimiir piuim wi wadieya hiriayar, nwokwokini mi wi iya Biyan Inkam Komii Jisis Krai siya swoki iti wi saiir nadigiuwi. ²⁴Adi Komii siya kiriiram bidi yikiuin mi kima siirgisiirgin mi siya siir kwoinin bi swoki kisina haigiikin mi siya wi ti dimin imiir tirkripkai mi wi sima digii.

²⁵Ti nomiiyauim kima Adi Komii siiram ti kwisboin krimiirim mi siya wi krimiir nwoki whinkinsiis haiginiuim. ²⁶Iya kima kimiir nomiiyau imiir nokboinmamairiyim kima simiirin warar dankabmamairiyam. ²⁷Kara kimiirin Biyan Inkam Komiiyin siir inig iir boinki, igao yayim kima ta yokwowa wara nomiiyauim waraur nwowim simiir whwonkam ida mwain. ²⁸Kara ha naingwowi Biyan Inkam Komii Jisis Krai siir naingwobumbuwa wi kimaka nwowi. Iriig.